


新編張仲景註解傷寒發微論  
新編張仲景註解傷寒百證歌







新編張仲景註解傷寒發微論

許叔微述

編主五雲王

編初成集書叢

論微發寒傷解註景仲張編新  
種一他其及

中華民國二十六年六月初版

撰述者

許

叔

微

發行人

王

雲

五

印刷所

商

務

館

發行所

商

務

館

上海河南路

上海河南路

上海及各埠

◆E五二七九

邢

新編張仲景註解傷寒發微論

本館據十萬卷樓  
叢書本排印初編  
各叢書僅有此本

# 重雕元刻傷寒百證歌發微論敘

新編張仲景註解傷寒百證歌五卷。發微論二卷。題曰白沙許叔微知可述。直齋書錄解題云。許叔微傷寒歌三卷。凡百篇。皆本仲景注。又有治法八十一篇。仲景脈法三十六圖。翼傷寒論二卷。辨類五卷。皆未見。

四庫提要云。叔微字知可。真州人。紹興二年進士。醫家謂之許學士。不知所歷何官也。案傷寒歌卽百證歌。三與五蓋字之誤。翼傷寒論卽發微論也。叔微揚州儀徵人。少孤力學。于書無所不讀。而尤邃于醫。建炎初。劇賊張遇破真州。已而疾疫大作。知可遍歷里門。視病與藥。十活八九。仕至徽州杭州教官。遷京秩。見影宋抄本乾道庚寅張邲序。及獨醒雜誌。西溪叢話。張杲醫說。知可所箸類證普濟本事方十卷。宋史藝文志書錄解題。文獻通考。四庫全書。皆箸錄。餘僅見于書錄解題。脈法類辨久佚。八十一法當卽張月霄藏書志箸錄之傷寒九十論。百證發微。元明以來不甚顯。

四庫未收。阮文達張月霄亦皆未見。惟錢遵王讀書敏求記箸于錄。遵王元棨今歸于余。夫醫家之有仲景。猶儒家之有孔子也。醫書之有傷寒論。猶儒書之有四書也。宋時爲其學者。有成無已之注。李樞之要旨。王實之證治。韓祇和之微旨。龐安常之總病論。朱翼中之活人書。錢聞禮之百問歌。雖皆各有所長。而知可之書。爲最能得其意。百證歌七字韻言。意該言簡。發微論探微索賾。妙悟通神。予以歎知可之學之

深且邃。非薄技偏長。執一是之見者所可及也。明萬曆辛亥有喬山堂坊刻。合爲四卷。證以元刊。不但面目全非。竄改亦復不少。此明人刊板之通病。醫書尤甚者耳。余慮其誤俗醫而害人命也。重摹元刻以廣其傳。後之治醫家言者。由是以求仲景之書。庶幾免廢人之誚乎。

光緒七年歲在重光大荒落季冬之月。旣生霸歸安陸心源撰。

# 新編張仲景註解傷寒發微論目錄

## 卷上

- 一 論傷寒七十二證候
- 二 論桂枝湯用赤白芍藥不同
- 三 論傷寒慎用元子藥
- 四 論桂枝麻黃青龍用藥三證
- 五 論兩感傷寒
- 六 論傷寒以真氣爲主
- 七 論治傷寒須依次第
- 八 論仲景緩遲沉三脈

## 卷下

- 九 論表裏虛實
- 十 論桂枝肉桂
- 十一 論滑脈

- 十二 論用大黃藥
- 十三 論陰不得有汗
- 十四 論林億疑白虎證有差互
- 十五 論弦動陰陽二脈不同
- 十六 論中風傷寒脈
- 十七 論表證未罷未可下
- 十八 論中暑脈不同
- 十九 論傷寒須早治
- 二十 論發熱惡寒
- 廿一 論風溫證
- 廿二 論溫瘧證



# 新編張仲景註解傷寒發微論卷上

宋 白沙許叔微知可述

## 論傷寒七十二證候

循衣摸床

仲景云傷寒吐下後不解不大便五六日至十餘日發潮熱不識人循衣妄撮微喘直視脈弦者生澀者死華佗曰病人循衣縫譫語者不可治仲景云小便利者可治

瞪目直視

仲景云直視搖頭此爲心絕又云狂言反目直視腎絕也

汗出如油

仲景云脈浮而洪身汗如油喘而不休此爲命絕也

兩手撮空

仲景云吐下不解大便秘潮熱摸床撮空皆宜大承氣服後脈弦者生澀者死華佗云陰陽俱絕掣衣撮空妄言者死也

瘖瘖不言

瘖病者如發癰之狀瘖瘖不言千金方熱病七八日其脈不輒不散當瘖瘖三四日汗不出者死也

舌卷囊縮

仲景云厥陰受病則舌卷煩滿而囊縮扁鵲云舌卷囊縮者必死千金云陰陽病卵腫縮腹中舌出數寸而死

鼻中煤煙

宋迪陰證訣云。陰毒漸深。則鼻中黑如煤煙。

指甲黑青

宋迪陰證訣云。陰毒甚。則指甲黑青。扁鵲云。手足爪甲下肉黑者死。

目盲見鬼

難經云。脫陽者見鬼。脫陰者目盲。

九竅出血

仲景云。少陰病強發汗。必動血。或從口鼻耳目。是謂下厥上竭。為難治。

環口鰲色

仲景云。環口鰲色。柔汗發黃。此為脾絕也。

轉筋入腹

霍亂證。轉筋入腹者。鷄矢白湯主之。

吃噫噦呃

仲景云。寸口脈微而澀。根葉枯槁而寒慄。欬逆。唾。嘔吐涎沫也。又云。脈滑則為噦。仲景傷寒欬逆上氣。其脈散者死。謂其形拍故也。

鬲肉拒痛

仲景云。鬲肉拒痛。胃中空虛。心下因硬。則為結胸。此陷胸證也。

發黃疸熱

萬全云。陽明病。瘀熱在裏。必發黃。凡發黃。寸口无脈。鼻氣冷。皆不可治。

咽乾聲啞 狐惑溼蟹證也。狐則咽乾。惑則聲啞。

瘰癧口噤 仲景云。瘰癧而赤。目脈赤。搖頭卒口噤。背反張者。瘵病也。又風溫被火。炙如驚癇。瘰癧。萬全云。傷寒瘵者。由肺熱轉於腎。轉而為瘵也。

筋惕肉瞤 仲景云。脈微弱。汗出惡風。誤服大青龍湯。令人筋惕肉瞤。傷寒吐下後。心下逆滿。發汗則動經。身為振搖。

叉手冒心 仲景云。發汗過多。其人叉手自冒心。心下悸。欲得按者。桂枝甘草湯。仲景云。持脈時。病人叉手自冒心。所以然者。以重發汗虛。故如此。

發斑癰疹 陽毒面赤發斑如錦文者。升麻湯。仲景云。風氣相搏。則為癰疹。身體為痒痒者。名泄風。

顛狂不定 難經云。重陽者狂。重陰者顛。仲景云。太陽病熱勝。其人如狂者。桃核承氣湯。小便利。其人如狂。血證諦也。

耳聾脅痛 仲景云。少陽受病。胸脅痛而耳聾。仲景云。持脈時。其人叉手自冒心。師因教令欬而不欬。必兩耳無聞也。所以然者。以重發汗虛。故如此。

上氣喘急 太陽陽明皆有喘證。或水停心下。亦喘。陰證喘者。必喘而加急。

小腹硬滿 小腹硬滿。小便不利者。膀胱有客熱也。小腹硬滿。小便利者。血證也。

唾膿咯血 仲景云脈浮熱甚而反灸之必咽  
躁咯血仲景云吐血不止柏葉湯

上吐下利 仲景云發熱惡寒而  
復吐利者霍亂也

二便不通 少陰小便不利者真武湯  
陽明大便秘者承氣湯

振振欲擗地 仲景云太陽病發汗汗出不解其人仍發熱  
心下悸頭眩身瞤動欲振振擗地者真武湯

遺尿失溺 仲景云洩便遺失狂言反目直視  
腎絕也風溫證下之則直視失洩

揚手擲足 太陽中風以火劫則手足躁擾又云六  
七日三部脈至大手足躁擾者欲解也

譫語鄭聲 仲景云實則譫語虛則鄭聲鄭聲  
者重語也直視譫語而喘滿者死

心下痞澀 仲景云病發於陰  
而下之早則為痞

心中懊憹 仲景云心中懊  
憹梔子湯主之

舌上滑胎

仲景云。溼家。舌上滑胎者。丹田有熱。胸中有寒。又云。藏結滑胎者。不可攻也。又云。陽明證。懊憹。舌上滑胎者。梔子湯。

脚攣齩齒

風痺熱證。屬陽也。承氣湯主之。

臍上下築動

發汗後。臍下悸者。欲作奔豚。

項強几几

太陽病。項背強几几。反汗出惡寒者。桂枝湯。無汗者。葛根湯也。

氣上衝胸

太陽病。下之後。其氣上衝者。與桂枝湯。

外氣拂鬱

二陽併病。小發汗。面色緣緣正赤者。陽氣拂鬱。當解之。薰之。拂。音拂。

脚膝攣拳

傷寒脈浮。自汗出。惡寒。脚攣急。反與桂枝湯。此誤也。

大便黑墜

陽明證。其人喜忘。必有蓄血。所以然者。本以久瘀血。屎須硬。大便反易。其色黑。

手足逆冷

有熱厥。有冷厥。冷厥者。求得病便。四支冷。熱厥者。手足雖冷。半日復熱也。



漱水不嚥 陽明但欲漱水不嚥者必衄。又溼家丹田有熱胸中有寒渴欲得水而不能飲口燥煩也。

額上冷汗 溼家額上汗出微喘。陰證亦額上手背皆有冷汗。

煩躁發渴 太陽大汗出後大煩渴不解宜白虎加人參湯。

肉上粟起 太陽病宜以汗解反以冷水噴其熱卻不得法彌更益煩肉上粟起。

咽喉乾痛 傷寒脈浮咽中乾痛而吐逆者甘草半夏湯主之。又云少陰證者必咽痛。

多眠好睡 此證大約有四少陰狐惑風溫及小柴胡證。

夜不得眠 此證大約有六具在歌中。

心下悸動 傷寒脈結代心下悸動者炙甘草湯主之。

腹中雷鳴 仲景云寒氣相搏則為雷鳴心下痞硬脅下有水氣腹中雷鳴者生薑瀉心湯證。

下利溇垢寒則鳴澹。熱則垢膩。

潮熱不常仲景云。潮熱者實也。大抵潮熱有三證。具在歌中。

寒熱往來此證有三。一者中風證。小柴胡湯。二者熱入血室證。刺期門。三者狀如溫瘧。黃龍湯證。

身體腫滿風溼證。身微腫者。甘草附子湯。

鬱冒不仁仲景云。寒則爲厥。鬱冒不仁。

額上脈陷衄家不可發汗。發汗則額上脈陷。脈緊急。直視不得胸。不得眠。胸。胡絹切。目搖也。

身重難轉風溼有搏。桂枝加白朮證。三陽合病。白虎加人參。柴胡加牡蠣龍骨證。

鼻中衄血陽明病。口燥。但欲嗽水不咽者。必衄。衄家不可發汗。宜小乾地黄湯。

手背冷汗宋迪云。額上手背有冷汗者。除毒也。

下利膿血

仲景云少陰下利便膿血者桃花湯主之

吐逆不止

吐有冷熱二證有胃熱吐者有胃冷吐者

面垢背寒

中暈則面垢背寒

腹脹滿悶

發汗後腹脹滿者厚朴五物湯下後心煩腹滿臥起不安者梔子厚朴湯又云不轉失氣而下之必腹滿

咳嗽涎盛

或上焦有熱或水停心下皆嗽

頭疼惡心

頭疼惡心身不疼痛者食積也身疼痛者傷寒也

乾噫食臭

胃中不利心下痞硬乾噫食臭脅下有水氣者生薑瀉心湯無水者食積也

身痒如蟲行

陽明病當汗而反无汗其身如蟲行皮中之狀為其久虛故也

鼻鳴乾嘔

太陽中風證鼻鳴乾嘔者桂枝湯主之太陽陽明合病鼻鳴乾嘔者葛根湯主之

洒淅憎寒

仲景云。陰氣上入陽中。則洒淅惡寒也。

腰脊疼痛

仲景云。一二日太陽受病。則頭項痛。腰脊強。

腹脅時痛

仲景云。傷寒五六日。中風。或腹中痛。或脅下痞硬者。小柴胡證。又腹中痛。小建中湯。脅下痛。十棗湯。

渾身壯熱

仲景云。陽明受病。則身熱。目痛。鼻乾。不得臥。又太陽中風。與傷寒。皆發熱。

以上七十二證。或必死。或可治。淺深雖不同。要之對證用藥。斯過半矣。

論桂枝湯用赤白芍藥不同

仲景桂枝湯加減法。凡十有九證。但云芍藥。聖惠方皆用赤芍藥。孫尙方皆用白芍藥。聖惠乃太宗朝命王懷德等編集。孫兆爲累朝醫師。不應如此背戾。然赤白補瀉。極有利害。常見仲景桂枝第四十七證云。病發熱。汗出。此爲榮弱衛強。故使汗出。欲救邪風。宜桂枝湯。蓋風傷衛而邪乘之。則衛強。榮雖不受邪。終非適平也。故衛強則榮弱。仲景以桂枝發其邪。以芍藥助其弱。故知用白芍藥也。榮旣弱而不受病。乃以赤芍藥瀉之。決非仲景意。至於小建中。爲尺遲血弱而設也。舉此皆用白芍藥。而仲景亦止稱芍藥。可以類推矣。